

GOLLEGIELLA – Davviriikkalaš sámi giellabálkkašupmi geigejuvvo 2024 čavčča

GOLLEGIELLA – Davviriikkalaš sámi giellabálkkašupmi geigejuvvo oktanuppelogát geardde 2024 čavčča Suoma, Norgga ja Ruota beale sámi áššiid ovddasvástideaddji ministariid ja Norgga, Ruota ja Suoma beale sámediggepresideanttaid čoahkkimis. Čoahkkin dollojuvvo Oslos golggothmánu 22. beaivvi 2024. Giellabálkkašupmi geigejuvvo ovttaskas olbmuid dahje organisašuvnnaide geat leat erenoamážit ángiruššan ovddidit sámegielaid. Gollegiella – Davviriikkalaš sámi giellabálkkašumi leat Norgga, Ruota ja Suoma sámi áššiid ovddasvástideaddji ministarat ja Norgga, Ruota ja Suoma beale sámediggepresideanttat ásahan. Bálkkašupmi geigejuvvo juohke nuppi jagi, vuosttaš geardde 2004:s. Giellabálkkašupmi lea 15 000 euro.

Giellabálkkašumi ulbmil

Giellabálkkašumi ulbmil lea váikkuhit sámegiela ovddideapmái, ovdánahttimii ja seailluheapmái Norggas, Ruotas, Suomas ja Ruoššas.

Gii sáhtta bálkkašumi oažžut?

Giellabálkkašupmi juhkojuvvo ovttaskas olbmuid dahje organisašuvnnaide, servviide ja organisašuvnnaide mat leat mearkkašahtti láhkái ángiruššan ovddidit, ovdánahttit dahje seailluhit sámegiela. Giellabálkkašupmi sáhtta juolluduvvot viidát iešguđetlágan doaibmasurggiide. Bálkkašumi sáhtta juogadit mángga vuotái.

Evttot vuoti!

Mii bovdet ovttaskasolbmuid, organisašuvnnaid, ásahusaid ja eiseválddiid miehtá sámi guovllu árvalit giellabálkkašumi vuoti. Sádde gitta guovtti siidosáš čálalaš evttohusa oktan ákkastallamiin.

Evttohus sáddejuvvo ovdal čakčamánu 1. beaivvi:

E-poasta: postmottak@kdd.dep.no

Poasta:

Gollegiella – bedømningskomité
Avdeling for urfolk og nasjonale minoriteter,
Kommunal- og distriktssdepartementet,
Postboks 8112 Dep,
0032 Oslo, Norge

Tlf: + 47 22 24 72 82